

ქ. თბილისი

24 მარტი 2022 წელი

ერთის მხრივ

საქართველოს შინაგან საქმეთა სამინისტროს სახელმწიფო საქვეუწყებო დაწესებულება საქართველოს სასაზღვრო პოლიცია (მის: ქ. თბილისი, კანდელაკის ქუჩა №12, საბანკო რეკვიზიტები: სახელმწიფო ხაზინა, კოდი: TRESGE22, საიდ. კოდი: 211356557), შემდგომში წოდებული „შემსყიდველად“, წარმოდგენილი მისი საფინანსო-სამეურნეო უზრუნველყოფის მთავარი სამმართველოს უფროსის ვახტანგ ასპანიძის სახით და

მეორეს მხრივ

შპს „ტელკო სისტემს“, წარმოდგენილი მისი დირექტორის ირაკლი გულიაშვილის სახით.

მის: ქ. თბილისი, ნუცუბიძის ქ., №221, კორპ. 1ა, ბ. 33 (ფაქტ. მისამართი: ქ. თბილისი, ყაზბეგის 29ა); ტელ: 599 44 22 99, 571 93 98 89. ელ. ფოსტა: ig@telco.ge.

საბანკო რეკვიზიტები: სს "თიბისი ბანკი", ბანკის კოდი TBCBGE22; ა/ა GE75TB4021536020100006; საიდ. კოდი: 205203279, შემდგომში „მიმწოდებელი“.

ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, 2022 წლის სახელმწიფო ბიუჯეტის დაფინანსების ფარგლებში შემსყიდველის მიერ გამოცხადებული NAT220003948 ელექტრონული ტენდერის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. "ხელშეკრულება სახელმწიფო შესყიდვის შესახებ" (შემდგომ - "ხელშეკრულება") - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.1.2. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.1.3. "შემსყიდველი ორგანიზაცია" (შემდგომ "შემსყიდველი") - საქართველოს შინაგან საქმეთა სამინისტროს სახელმწიფო საქვეუწყებო დაწესებულება საქართველოს სასაზღვრო პოლიცია;

1.1.4. "მიმწოდებელი" - შპს „ტელკო სისტემს“.

1.1.5. „შესყიდვის ობიექტი“- წინამდებარე ხელშეკრულების მე-2 მუხლით გათვალისწინებული საქონელი.

1.1.6. "დღე", "კვირა", "თვე" ნიშნავს კალენდარულ დღეს, კვირას, თვეს.

1.1.7. „ტექნიკური დოკუმენტაცია“ - მიმწოდებლის მიერ NAT220003948 ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც წარმოადგენს ხელშეკრულების განუყოფელ ნაწილს.

1.2. ხელშეკრულებაში გამოყენებული სხვა ტერმინები უნდა განიმარტოს ხელშეკრულების შინაარსიდან და კონკრეტული კონტექსტიდან გამომდინარე, საქართველოს კანონმდებლობის შესაბამისად.

2. შესყიდვის ობიექტი

წინამდებარე ხელშეკრულების დანართი N1-ით განსაზღვრული სატელეკომუნიკაციო მოწყობილობები და აქსესუარების შესყიდვა (სამაგიდო IP - ტელეფონი, CPV კოდი 32500000).

3. შესყიდვის ღირებულება

3.1. ხელშეკრულების ღირებულებაა: 6505 (ექვსიათას ხუთას ხუთი) ლარი.

3.2. ხელშეკრულების ღირებულება მოიცავს, როგორც შესყიდვის ობიექტი ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, მათ შორის დღგ-ს.

4. მიწოდების პირობები

4.1. მიმწოდებელი ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმების, სტანდარტების, წესებისა და მოთხოვნების დაცვით, დანართი N1-ით განსაზღვრული ვადების შესაბამისად.

4.2. მიმწოდებელმა უნდა უზრუნველყოს შესყიდვის ობიექტის ადეკვატური შეფუთვა, რომელიც დაიცავს მას დაზიანების ან გაფუჭებისაგან ფასების ცხრილში მითითებული დანიშნულების ადგილამდე ტრანსპორტირების პროცესში. შეფუთვის სახეობა, თითოეული ფუთი, გაბარიტი და წონა უნდა შეესაბამებოდეს დადგენილ სტანდარტებს.

5. შესყიდვის ობიექტის ნაკლი

5.1. მიწოდებული შესყიდვის ობიექტი უნდა იყოს უფლებრივად და ნივთობრივად უნაკლო, წინააღმდეგ შემთხვევაში ხელშეკრულების მოქმედების ნებისმიერ ეტაპზე და ასევე, მისი მოქმედების დასრულების შემდგომ აღმოჩენილი ნაკლის არსებობის შემთხვევაში, საგარანტიო ვადის პერიოდში გამოვლენილი წუნდებული საქონლის შეკეთება მიმწოდებელმა უნდა უზრუნველყოს საკუთარი ხარჯებით, მოთხოვნიდან არაუგვიანეს 5 (ხუთი) კალენდარული დღის ვადაში, ხოლო საქონლის შეცვლის საჭიროების შემთხვევაში, მისი შეცვლა უნდა უზრუნველყოს 10 (ათი) კალენდარული დღის განმავლობაში შემსყიდველის მხრიდან დამატებითი დანახარჯების გაწევის გარეშე. მოთხოვნის გაგზავნა მიმწოდებელთან განხორციელდება სატელეფონო შეტყობინებით ან ელ. ფოსტაზე (აღნიშნული ჩაითვლება შეტყობინების გაგზავნის თარიღად).

5.2. მიმწოდებლის ამ მუხლით განსაზღვრული ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

6. ხელშეკრულების შესრულების კონტროლი

6.1. ხელშეკრულების შესრულების კონტროლს განახორციელებს შესაბამისი უფლებამოსილი პირ(ებ)ი (ინსპექტირების ჯგუფი). კერძოდ, შემსყიდველის საინფორმაციო ტექნოლოგიების მთავარი სამმართველოდან, საფინანსო-სამეურნეო უზრუნველყოფის მთავარი სამმართველოს ლოჯისტიკის სამსახურის სამეურნეო უზრუნველყოფის მართვისა და დაგეგმვის განყოფილებიდან და მატერიალური მარაგების სამსახურიდან გამოყოფილი შესაბამისი უფლებამოსილი პირ(ებ)ი.

6.2. ინსპექტირების ჯგუფი შესყიდვის ობიექტის მიწოდების ინსპექტირებას ახდენს სისტემატიურად, საკუთარი შეხედულებისამებრ.

6.3. კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ.

6.4. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.

6.5. მიმწოდებელი ვალდებულია ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე.

6.6. მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა ხარვეზის ან ნაკლის აღმოფხვრა.

6.7. ხელშეკრულების გაფორმების შემდეგ მიმწოდებელი ყველა საკითხზე მიმართავს შემსყიდველის საფინანსო-სამეურნეო უზრუნველყოფის მთავარ სამმართველოს, (მათ შორის ხელშეკრულებაში ცვლილების განხორციელებასთან დაკავშირებით).

7. შესყიდვის ობიექტის მიღება-ჩაბარების წესი

7.1. მისაწოდებელი შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ. შესყიდვის ობიექტის გადაცემა ხდება მიღება-ჩაბარების აქტის საფუძველზე, მიწოდების ადგილის მიხედვით.

7.2. ამ ხელშეკრულების მიზნებისათვის მიწოდებად არ ითვლება ნაკლიანი ან ხელშეკრულებით გათვალისწინებულ მოთხოვნებთან შეუსაბამო შესყიდვის ობიექტის წარმოდგენა. ასეთ შემთხვევაში აღნიშნულზე მიღება-ჩაბრების აქტი არ ფორმდება.

7.3. მიღება-ჩაბრებას ახორციელებენ სათანადოდ უფლებამოსილი პირ(ებ)ი - კერძოდ, შემსყიდველის საინფორმაციო ტექნოლოგიების მთავარი სამმართველოს შესაბამისი სამსახურიდან, საფინანსო-სამეურნეო უზრუნველყოფის მთავარი სამმართველოს ლოჯისტიკის სამსახურიდან, სამეურნეო უზრუნველყოფის მართვისა და დაგეგმვის განყოფილებიდან და მატერიალური მარაგების სამსახურიდან გამოყოფილი შესაბამისი უფლებამოსილი პირ(ებ)ი.

7.4. შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი ხარვეზის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

8. ანგარიშსწორება

8.1. დაფინანსების წყარო - 2022 წლის სახელმწიფო ბიუჯეტი.

8.2. შემსყიდველი ვალდებულია აანაზღაუროს მიწოდებული შესყიდვის ობიექტის ღირებულება ხელშეკრულებით გათვალისწინებულ ვადაში და პირობებით.

8.3. უნაღდო - ანგარიშსწორების ფორმა - სტანდარტული.

8.4. ანგარიშსწორება მოხდება ლარებში.

8.5. ანგარიშსწორება შემსყიდველის მიერ მოხდება ეტაპობრივად, ფაქტობრივად მოწოდებული შესყიდვის ობიექტის მიხედვით. მიღება-ჩაბრების აქტის ხელმოწერის, შესაბამისი საგადასახადო ანგარიშ-ფაქტურის გამოწერისა და წარმოდგენის შემდეგ არაუგვიანეს 10 სამუშაო დღის ვადაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8.6. უნაღდო - ანგარიშსწორების ფორმა ავანსი არ გამოიყენება.

9. ხელშეკრულებაში ცვლილებების შეტანა

9.3. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შეთანხმების გარდა.

9.4. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.5. დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა, "სახელმწიფო შესყიდვების შესახებ" საქართველოს კანონის და სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ მოთხოვნათა გათვალისწინებით.

9.6. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში შესაძლებელია ფასის გაზრდა. ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

9.7. ხელშეკრულებაში დამატებების და/ან ცვლილებების შეტანის დოკუმენტს ხელს აწერენ მხარეთა უფლებამოსილი წარმომადგენლები.

9.8. ხელშეკრულების ღირებულების შემცირება დასაშვებია ფაქტობრივად მიწოდებული შესყიდვის ობიექტის ღირებულების გათვალისწინებით.

9.9. იმ შემთხვევაში, თუ აუცილებელი გახდება ხელშეკრულებით გათვალისწინებული შესყიდვის ობიექტის საერთო რაოდენობის გაზრდა ან შემცირება, ანგარიშსწორება შემსყიდველის მიერ მოხდება ფაქტობრივად მოწოდებული შესყიდვის ობიექტის ღირებულების მიხედვით, ხოლო რაოდენობის გაზრდის შემთხვევაში ხელშეკრულებით გათვალისწინებული ერთეულის ფასი არ გაიზრდება.

9.10. ხელშეკრულების პირობების ნებისმიერი ცვლილება, რომელიც განხორციელებულია ამ მუხლის მოთხოვნათა დაცვით, წარმოადგენს ხელშეკრულების განუყოფელ ნაწილს.

10. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა და გადახდის ვადები)

10.3. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

10.4. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 1%-ის ოდენობით.

10.5. ხელშეკრულებით ნაკისრი ვალდებულებების შესრულების ვადის, მათ შორის ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ გადაგადაცილებულ დღეზე ხელშეკრულების ღირებულების 0,50%-ის ოდენობით.

10.6. საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში.

10.7. საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

10.8. საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან. ხელშეკრულების შეწყვეტის შემთხვევაში, მომწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით.

11. ხელშეკრულების შეწყვეტა

11.3. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ.

11.4. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

11.5. ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

11.6. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

11.7. შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

- ა) მიმწოდებლის მიერ ხელშეკრულებით ნაკისრი ვალდებულებების ორჯერ დარღვევის შემთხვევაში;
- ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

11.8. ამ მუხლის პირველსა და მე-5 პუნქტებში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

12. ხელშეკრულების მოქმედების ვადა

წინამდებარე ხელშეკრულება ძალაშია ამ დოკუმენტის თავში მითითებული თარიღიდან და მოქმედებს 2022 წლის 31 დეკემბრის ჩათვლით, მაგრამ არაუადრეს მხარეთა მიერ ხელშეკრულებით ნაკისრი ვალდებულებების სრულ და ჯეროვნად შესრულებამდე.

13. ფორს-მაჟორი

13.3. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

13.4. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, შესყიდვის ობიექტის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.5. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, რომელსაც თან უნდა ახლდეს შესაბამისი დამადასტურებელი დოკუმენტაცია. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწვევას ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

14.3. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.4. თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს საერთო სასამართლოს.

15. სხვა დებულებები

ხელშეკრულება შედგენილია ქართულ ენაზე, ხელმოწერილია ელექტრონულად, რომლის ყოველი ელექტრონული ეგზემპლარი ორიგინალია.

N	შესყიდვის ობიექტი	წარმოშობის ქვეყანა, მწარმოებელი/ბრენდი და მოდელი	საქონლის ძირითადი მახასიათებლები (ტექნიკური პირობები)	განზ-ის ერთეული	რაოდ-ბა	ერთეულის ღირებულება (ლარი)	ჯამური ღირებულება (ლარი)	ინფორმაცია საგარანტიო ვადის შესახებ	მიწოდების ვადა	მიწოდების ადგილი
1	სამაგიდო IP ტელეფონი სწრაფი გამომახების X210 (IP Phone) with 5V2A (Power Supply)	წარმოშობის ქვეყანა: ჩინეთი. მწარმოებელი/ბრენდი: Fanvil Technology Co., Ltd./Fanvil მოდელი: X210	ზოგადი აღწერილობა VoIP (SIP) ანგარიშების რაოდენობა 20. ზარის დაყოვნება, ხმის გათიშვა. სწრაფი აკრეფვა ერთი შეხებით. ზარის გადამისამართება, ზარის მოლოდინი, ზარის გადატანა. განმეორებითი აკრეფა, 3-მხრივი კონფერენცია. სწრაფი გამოძახების 42 ფიზიკური ლილაკი განთავსებული უშუალოდ ტელეფონზე აუდიო მახასიათებლები HD ხმა: მაღალი ხარისხის ხმა ყურმილზე და ხმამაღლამოლაპარაკეზე. ხმის კოდეკები: G.722, Opus, G.711(a/u), G.723.1, G.729AB, G.726, iLBC. DTMF: In-band, Out-of-band (RFC2833), SIP INFO. სრული დუპლექსური ხმამაღლამოლაპარაკე აკუსტიკური ექოჩამხშობით AEC.VAD, CNG, PLC. კატალოგი ლოკალური სატელეფონო წიგნი 2000-ჩანაწერის შენახვით. შავი სია. XML/LDAP სატელეფონო წიგნი. სატელეფონო ზარების ჟურნალი: აკრეფილი / მიღებული / გამოტოვებული IP -ას-ის მხარდაჭერი ფუნქციები ანონიმური ზარის მხარდაჭერის ფუნქცია, hot-desking, MWI, ზარის პარკირება, ზარის გადაჭრა. ინტერკომი, სატელეფონო ზარის სერვერზე ჩაწერის მხარდაჭერა. თავსებადობა: (მსს-ს სატელეფონო ქსელთან). დისპლეი და ინდიკატორები ფერადი ძირითადი LCD დისპლეი 4.3" ზომის. ეკრანზე Caller ID-ის ასახვის ფუნქცია. ინტერფეისები ორი Gigabit Ethernet პორტი, Power over Ethernet-ის მხარდაჭერა, ჩაშენებული USB პორტი. 1xRJ9 ყურმილის პორტი. 1xRJ9 გარნიტურის პორტი. ფიზიკური მახასიათებლები ტელეფონს მოჰყვება კვების ბლოკი (AC 220 V საქალაქო ელექტრო ქსელზე ჩასართველად Europlug სტანდარტის) ქსელი და ინტერფეისი SIP2.0 , STUN რეჟიმი. IP მისამართის გაწერა: static/DHCP/PPPoE. თარიღის და დროის SNTP სინქრონიზაცია. UDP/TCP/ TLS, QoS, VLAN, SRTP, FTP/TFTP/HTTP /HTTPS, OpenVPN, 802.1X, IPv6, LLDP, TR-069 მენეჯმენტი კონფიგურაცია: ბრაუზერი, ტელეფონი. კონფიგურაციის ავტომატური უზრუნველყოფა: FTP/TFTP/HTTP/HTTPS.	კომპლექტი	1	715	715	მიღება-ჩაბარების აქტის გაფორმებიდან 2 (ორი) წელი	ხელშეკრულების გაფორმებიდან 30 კალენდარული დღის განმავლობაში	ქ. თბილისი, ქიზიყის ქ. N1

2	სამაგიდო IP ტელეფონი X1S	წარმოშობის ქვეყანა: ჩინეთი. მწარმოებელი/ბრენდი: Fanvil Technology Co., Ltd./Fanvil მოდელი: X1S	აუდიო მახასიათებლები HD ხმა: HD ხმა ყურმილზე და HD ხმა ხმამაღლამოლაპარაკეზე. ფართოზოლიანი კოდუკები: Opus, G.722 ვიწროზოლიანი კოდუკები: G.711(a/u), G.729A, G.726, iLBC. DTMF: In-band, Out-of-band (RFC 2833) და SIP INFO სრული დუპლექსური ხმამაღლამოლაპარაკე AEC-ით. VAD, CNG, PLC. სატელეფონო მახასიათებლები VoIP (SIP) ანგარიშების რაოდენობა 2. ზარის დაყოვნება, ხმის გათიშვა, სწრაფი აკრეფვა, ზარის გადამისამართება, ზარის ტრანსფერი, განმეორებითი აკრეფა, ავტომატური პასუხი. ლოკალური 3-მხრივი კონფერენც კავშირის შესაძლებლობა. URL / URI მოქმედებები. RTCP-XR, VQ-RTCPXR კატალოგი ლოკალური სატელეფონო წიგნი 1000 -ჩანაწერის შენახვით. მავი სია. XML/LDAP სატელეფონო წიგნი. სატელეფონო წიგნის იმპორტირების და ექსპორტირების ფუნქციები. სატელეფონო ზარების ჟურნალი: აკრეფილი / მიღებული / გამოტოვებული. IP -ასს-ის მხარდამჭერი ფუნქციები hot-desking, ზარის პარკირება. თავსებადობა: (მსს-ს სატელეფონო ქსელთან). დისპლეი და ინდიკატორები LCD დისპლეი განათებით. სტატუსის LED ინდიკაცია. ფუნქციონალური კლავიშები 2 კლავიში სატელეფონო ზაზებისათვის (შუქდიოდებით). ნავიგაციის კლავიშები - 4. ხმის დონის რეგულირების კლავიშები. ინტერფეისები 2 x RJ45 10/100M Ethernet-პორტი. 1 x RJ9 ყურმილის პორტი 1 x RJ9 აუდიო გარნიტურის პორტი. ფიზიკური მახასიათებლები ტელეფონს მოჰყვება კვების ბლოკი (AC 220 V საქალაქო ელექტრო ქსელზე ჩასართველად Europlugსტანდარტის) სამაგიდო სადგამი. ქსელი და უსაფრთხოება SIP2.0, STUN რეჟიმი. IP მისამართის დანიშვნა: სტატიკური/DHCP. თარიღის და დროის სინქრონიზაცია SNTP-ის გამოყენებით. UDP/TCP/TLS, QoS, VLAN, SRTP, FTP/TFTP/HTTP /HTTPS, OpenVPN, 802.1X, IPv6, LLDP,TR-069. მენეჯმენტი კონფიგურაცია: ბრაუზერი/ტელეფონი. კონფიგურაციის ავტომატური უზრუნველყოფა: FTP/TFTP/HTTP/HTTPS.	კომპლექტი	50	115.8	5790	მიღება-ჩაბარების აქტის გაფორმებიდან 2 (ორი) წელი	ხელშეკრულების გაფორმებიდან 30 კალენდარული დღის განმავლობაში	ქ. თბილისი, ქიზიყის ქ. N1
სულ ჯამი:							6505	ლარი		